

Sr. Rudy Lampe, parlamentario di RED:

E maneho di Minister di Labor ta contrario di loke ta skirbi den ‘memorie van toelichting’

Loke Minister kier bisa e parlamento no ta cuadra cu e realidad

STA. CRUZ – Den disertacion di sr. Lampe den parlamento, el’a trece dilanti cu e presupuesto di Minister Ramon Lee no tin un vision y cu Minister Lee a bisa cu e preguntanan di Raad van Advies riba e vision lo ser splica basa riba e preguntanan cu haya den parlamento. Sr. Lampe no ta di acuerdo cu e presupuesto, pasobra un presupuesto mester ta basa riba un maneho. Segun sr. Lampe e memorie van toelichting ta contrario di e realidad cu tin na Aruba. Segun sr. Lampe e maneho di Minister tin un contradiccion cu e maneho di gobierno, pasobra Minister ta descurasha e desaroyo cuantitativo cu ta contrario cu di gobierno y cu ta menciona den e

‘memorie van toelichting’ cu kier un desaroyo cualitativo pa kibra e dependencia di trahadornan di afor y cu su maneho ta pa crea trabao pa e pueblo, mientras cu e maneho di e gobierno ta contrario basa riba e cifranan cu tin. Por a nota esaki den e contestanan di Minister Lee na parlamentario Thijsen cu a bisa cu tabata decisionnan di gobierno cu mester di miles di trahador di afor.

Esey kier meencue ‘memorie van toelichting’ no ta cuadra cu e maneho di gobierno y no ta tuma parlamento na serio. Loke Minister kier bisa ta cu ‘e parlamento no ta cuadra cu e realidad’.

Di con Minister Lee no ta enforza e gobierno pa cumpli

cu e acuerdo cu a cera cu RIU Hotel?

Den disertacion di sr. Lampe durante tratamento di presupuesto di ministerio di labor, el’a trece dilanti cu tin poni den e acuerdo cu tabata tin cu Hotel RIU, cu lo mester considera e trahadornan local y duna esnan cu tin experiencia e prome opcion pa trabao den gerencia. Pero segun sr. Lampe a resulta cu solamente 1 trahador a wordo tuma den servicio di Hotel RIU. E pregunta na Minister Lee ta di con e no ta enforza e gobierno pa cumpli cu e acuerdo aki.

E realidad ta contrario na e ‘memorie van toelichting’ cu na Hotel RIU tin solamente 20 trahador local di 400 trahador di e hotel RIU.

